

rum parerent imperio, secundi haberentur. Benigne legati accepti, ingentesque eis gratiæ actæ: spes ad hæc facta, si ii forent, quos se futuros prædicarent, daturos Patres operam, ut brevi eorum civitas intelligeret, nihil beatius contingere posse iis, qui suis viribus stare non possint, quam sub legitimo quiescere imperio: ac tam dulce futurum, tyrannidis iugo excusso, ad domicilium & arcem libertatis confugisse, quam si quis tempestuosum mare pene naufragus egressus, in tutissimum se portum recepisset. Irent igitur, & Veneta signa (quæ cum his simul Dux legatorum principi tradidit) secum ferrent, mediaque urbe, quod Veneto nomini & illis bene verteret, statuerent, statutaque perpetuo studio colerent: cæterum assuescerent juri & æquitati, qui tyrannorum libidinibus tam iniquo animo quandoque paruisent. Cum his Veronenses missi. Quorum exemplum Patavini secuti, non multo post & ipsi affuerunt. Nihil ferme a priore legatione variatum, nisi quod Patavini pro albis vestibus purpuram habuerunt.